

en a perdu plus de la moitié dans le Vaiffeau, tant elle a fouffert; mais elle en a trouué à Kebec plus qu'elle n'en auoit embarqué à la Rochelle; les hommes de traual arriuent ordinairement icy, le corps & la dent bien faine; & fi leur ame a quelque maladie, elle ne tarde gueres à recouurer vne bonne fanté. L'air de la Nouvelle France eft tres-fain pour l'ame & pour le corps. On nous a dit, qu'il couroit vn bruit dans Paris, qu'on auoit mené en Canada, vn Vaiffeau tout chargé de filles, dont la vertu n'auoit l'approbation d'aucun Docteur; c'est vn faux bruit, i'ay [204] veu tous les Vaiffeaux, pas vn n'estoit chargé de cette marchandife. Changeons de propos.

Il n'y auoit pas long-temps que nos Autels auoient porté le deuil de la mort de Monsieur Gand, quand la flotte a paru; cét homme de bien fecouroit fortement les Sauuages qui se retirent à Sainct Ioseph: Leurs conuerfions luy touchoient les yeux, & gaignoient le cœur. Il est mort dans vn fublime exercice de patience; en vn mot, il est mort comme il auoit vefcu, c'est à dire, en homme qui cherche Dieu avec verité. A peine auoit-on acheué les derniers deuoirs qui luy estoient deubs, qu'il nous a fallu vne autre fois reueftir de noir nos Chappelles, pour faire le feruice de Monsieur le Commandeur de Sillery, Monsieur de Montmagny nostre Gouverneur, Monsieur le Cheualier de l'Isle, & plusieurs autres, y affisterent; Quelques Sauuages voulurent communier ce iour là, & tous prièrent pour fon ame, n'ignorans pas les grandes obligations qu'ils ont à ce sainct Homme, qui a jetté les fondemens de l'arrest de ces pauvres peuples errans, en la Residence de [205] Sainct Ioseph. Pleuft à Dieu, que ceux qui succederont à l'affection